



---

Služba za saobraćaj, stambeno-komunalne poslove i građenje

OPĆINSKO VIJEĆE ILIJAŠ

**Odgovori na vijećnička pitanja i inicijative sa 12. sjednice Općinskog vijeća Ilijaš  
održane dana 28.09.2017.godine**

Ilijaš: Oktobar 2017.godine

\*\*\*\*\*

Općina Ilijaš, ulica 126. Ilijaške brigade br. 6., 71380 Ilijaš  
tel. (+387 33) 580-620, 580-633, fax. 400-505, e-mail o\_ilijas@bih.net.ba  
Služba za saobraćaj, stambeno-komunalne poslove i građenje  
tel. (+387 33) 580-672, 580-669



Broj certifikata: CR14625Q

SAUDIN DURMIĆ – vijećnik SDA

Inicijativa: "U ime Kluba vijećnika SDA Ilijaš pokrećem inicijativu prema Direkciji za puteve Kantona Sarajevo da riješe problem umirenja saobraćaja, odnosno smanjenja brzine kretanja motornih vozila na dionici puta R-444 lokalitet Podlugovi od pružnog prelaza – raskrsnica za Brezu na način postavljanja usporivača brzine (na identičan način kao kod Osnovne škole u Starom Ilijašu).

Obrazloženje: Na pomenutom lokalitetu je pješački prijelaz koji uglavnom koriste djeca koja pohađaju nastavu u Osnovnoj školi "Podlugovi", a koja dolaze iz dijela Podlugova, Ljubnića i Lješeva. U cilju zaštite života djece i bezbjednog prelaska saobraćajnice, neophodno je inicijativu u što skorijem periodu realizovati.

Shodno Poslovniku Općinskog vijeća Ilijaš, inicijativu predlažem kao zaključak Općinskog vijeća i od gore pomenute Direkcije za puteve tražim očitovanje do naredne sjednice Općinskog vijeća Ilijaš".

Odgovor: Zaključak Općinskog vijeća Ilijaš je dostavljen Direkciji za puteve Kantona Sarajevo.

ALMIR ŠPIODIĆ – vijećnik BPS-Sefer Halilović

Pitanje: "Postavljam pitanje službi za komunalne poslove općine Ilijaš, zbog čega izvođači radova na putevima ne vrate iste u prvobitni položaj nakon završetka radova?

Obrazloženje: Nedavno je firma koja radi priključke električne energije za Elektrodistribuciju izvršila presjecanje puta i polaganje kablova za priključak domaćinstava, na putu prema naselju Docu koji je prošle godine asfaltiran i nisu ga ponovno asfaltirali i vratili u prvobitno stanje. Isti slučaj se desio i prošle godine na putu prema Sovrlama kod katoličkog groblja gdje su presjekli put i nikada ga nisu vratili u prvobitno stanje. Na isti način su vršili priključke i u naselju Obala gdje također nisu vratili puteve u prvobitno stanje.

Odgovor: Odlukom o uslovima i načinu prokopavanja javnih površina na području Kantona Sarajevo ("Službene novine Kantona Sarajevo", broj: 16/04., 22/05, i 30/08) propisani su uslovi i način prokopavanja javnih površina. Nadzor nad provođenjem odredaba ove odluke vrše Komunalni inspektor i Cestovni inspektor i to svako u okviru svoje nadležnosti. Inspektori su pojačali inspekcijski nadzor u ovoj oblasti.

AKIF BEŠLIJA – vijećnik SBB-a

Pitanje: "Shodno inicijativi pokrenutoj na prošlim sjednicama, a sve u vezi dionice puta od mosta i skretanja za Vratušu, pa sve do Polomske ulice u Podlugovima, te odgovorom koji ste mi dostavili postavljam slijedeće pitanje: Kada je planirana sanacija pomenute dionice puta, kao i čišćenje kanala za otpadne vode?

Obrazloženje: S obzirom da se pomenuta problematika oko ove dionice povlači iz sjednice u sjednicu i tako godina dana, molio bih vas da se tačno precizira kada će se pristupiti sanaciji oštećenih dijelova, kao i onih dijelova koji su sanirani, a već su propali, kao i čišćenje kanala. Napominjem, a u prilogu ovog pitanja dostavljam odgovor od 29.11.2016. godine, a u kojem stoji da ukoliko vremenske prilike budu dozvoljavale izvršiti će čišćenje kanala i sanacija oštećenja, pa kako se približava mjesec novembar, bilo bi dobro da se isto uradi, kako vremenske prilike ne bi bile opet prepreka. Prilog: Odgovor na vijećnička pitanja i inicijative sa 2. sjednice Općinskog vijeća Ilijaš održane dana 29.11.2016. godine

Odgovor: Planirano je da se radovi izvedu do kraja mjeseca oktobra 2017. godine.

DAMIR FILIPOVIĆ – vijećnik SDP-a

Pitanje: "Kada se namjerava izvršiti pružanje kanalizacione mreže u MZ Kamenica? (Pitanje preuzeto od građana MZ Kamenica)".

Odgovor: Postoji urađena projektna dokumentacija, međutim nisu stvoreni potrebni uslovi za realizaciju ovog projekta, obzirom da nisu obezbijeđena finansijska sredstva i građani nisu spremni bez naknade da dozvole gradnju kanalizacione mreže kroz svoja dvorišta,

voćnjake i njive. Dodatni problem je obezbjeđenje finansijskih sredstava i za uređaj za prečišćavanje otpadnih voda, obzirom da bi se otpadne vode ispuštale u vodotok koji otiče u zaštićeni pejzaž Bijambare.

Pitanje: "Obzirom da smo postavili pitanje za postavljanje table na ulazu i izlazu MZ Ljubina, zanima nas u kojoj fazi se nalazi navedeno"?

Odgovor: Postavljanje tabli sa nazivima mjesnih zajednica nije uređeno ni jednim normativno pravnim aktom bilo kog nivoa vlasti. Table sa nazivima naseljenih mjesta na saobraćajnicama imaju karakter saobraćajnog znaka. Put Sarajevo-Tuzla je magistralni put i njime upravlja JP "Ceste Federacije BiH". Tom preduzeću smo se obraćali više puta sa zahtjevom da se naseljena mjesta koja se nalaze na tom putu (Ljubina, Čevljanovići, Krivajevići i druga) obilježe tablama sa nazivom. Svaki put odgovor je bio da se radi o naseljenim mjestima razbijenog tipa izgrađenosti i postavljanjem tabli brzina kretanja vozila bila bi ograničena, što dovodi do usporavanja saobraćaja.

Služba za saobraćaj,  
stambeno-komunalne poslove  
i građenje